



Inatsisartuni ilaasortaq Saxtorph Didriksen, Siumut  
TAMASSA

### § 37-mut Apeqqtutini nr. 2014-055 SADI Rubini nangitaaq-miittuni akissutit

Inatsisartut suleriaasianni § 37 naapertorlugu Ujaqqanik pinneraasiassanut Immik-koortortaqaarfimmum tunngatillugu § 37-mut apeqqtutini nr. 2014-032-miittuni akissutitut malitsigisitatut Naalakkersuisunut ataaniittunik apeqqtutillimavutit matumuuna akis-suteqaarfigisanik.

#### 1. Ingerlatseqatigiiffik sunaana pineqartoq?

Pineqartoq tassaavoq ingerlatseqatigiiffik True North Gems.

#### 2. Tunngaviumik piaanissamut Rubininut akuersissut tunniunneqarnikuutin-nagu, Rubin piarneqarnikoq misiliutissatut uninngasuutigineqartoq kiap pigivaa? ingerlatseqatsigiiffiup imaluunniit inuiaqatigiit kalaallit?

Misissuinissamut akuersissuteqartoqarnerata nalaani aatsitassat piarneqartut nu-natsinni inuiaqatigiit piginnittuusarput. Piaanissamut akuersissutit nalunaarutigi-neqarneratigit ingerlatseqatigiiffik isumalluutaasunik aatsitassanik atuinissaminut akuersissummik pisarpoq, taamaalillunilu misissuinissamut akuersissutit nalaani siusinnerusukkat aatsitassat piaarsimasut atornissaannut aamma pininnaatitaaf-feqalartarluni.

#### 3. Nunatta rubini pigippagu sooq nunatsinni nalilittut naleqalersussatullu nuna-tsinniitsinneqanngila?

Misissuinerup ilaatut aatsitassaataasoq aatsitassarsiornermik aallartisaasinnaanis-samut angissuseqarlunilu pitsaassuseqarnerata paasiniarnissaanik siunertaqarluni misissugassat ingerlatsinissamut misissueqqissaarinissamullu tiguneqartarput. Su-لياqarfiup pineqartup iluini immikkut ilisimasaqassuseq malillugu nunarsuarmi su-miffinni assigiinngitsuni ingerlatsisarneq misissueqqissaarinerillu pininnaapput.

True North Gems-imut tunngatillugu misissuinerup nalaani ujaqqat pinneraasias-sat katersorneqartut ilaasa silinissaannut ingerlatseqatigiiffik misissuinerumt akuers-sissutaasumi akuersissutisimavoq. Silisinerit Canadami, Brasiliami, Sri Lankami, Kinami aamma Thailandimi ingerlanneqarput. Ujaqqat pinneraasiatut silisimasat aatsitassaatinu pitsaassutsimik pissarsiassatut naatsorsuutigineqarsinnaasumik ilisimasassanik tunisipput, tassaallutillu suliniutip akilersinnaassusaanik aalajan-geeqataasinnaasutut ilisimasassat ilaat. Tamakku saniatigit ujaqqat pinneraasiatit silisimasat aningaasaliisinnaasutut neriuartuusunut ingerlatseqatigiiffiup ator-simavai.

#### 4. Korundi apeqquteqaatinnut ilanngunneqarpoq, sunaana ujarak aammalu ru-biiniinnaanngitsoq tunngaviua Qeqertarsuatsiaat eqqaani paaaffimmik aallar-titsisoqarnissaanut?

Aatsitassaq korund ujaqqanik pinneraasiassanik assigiinngitsunik marlunnik peqarpoq, tassa aatsitassaq korundi ujaqqanik pinneraasiassatut pitsaas-suseqarsinnaasunik marlunnik iluseqartuuvoq. Ujaqqat pinneraasiassat assigiinn-gitsut taakku marluk tassaapput rubini aamma safiri.

14. marts 2014  
Sagsnr. 2014-095953  
Dok. Nr. 1483750

Postboks 1601  
3900 Nuuk  
Tlf. (+299) 34 50 00  
Fax (+299) 32 56 00  
E-mail: isiin@nanoq.gl  
www.naalakkersuisut.gl

5. **Qeqertarsuatsiaani tusarniaanermi innuttaasunik apeqqutigineqarpoq laboratoriamik misissuivimmik aallartitsisoqarsinnaannginnersoq, akissutigineqarporli akuutissaq toqunartoq atorneqartussaana peqqutaalluni taamaaliortoqarsinnaanngitsoq. Sunaana toqunartoq pineqartoq maani Nummi atorneqartussa, aammalu taanna toqunartoq sumut atoreernermini ingerlanneqartarpa?**

Pineqartoq tassaavoq flussyre, piarneqarnera sioqqullugu qaqqat ujaraanniiffiata sinneranit ujaqqap pinneraatip immikkoortinnissaanut atatillugu atorneqartussa. Atoreernerata kingornatigut flussyre laboratoriami kimeerutsitaassaaq, taamaalluni imerpalasoq seernartuujunnaassalluni. Tamatuma kingornatigut imerpalasoq kimeerutsitaq nakkartinneqassaaq, sequtseqqissaakkatullu arortitassaangitsutut panertinneqassalluni. Aalaakkaasoq imerpalasoq Kalaallit Nunaata avataani eqqagassaasunngorlugit siullertut nassiunneqartussaassapput.

6. **Nunaminertaq rubinisorfissaq tunngaviummik inatsisitigut oqartussaaneq kiap pigivaa? Ingerlatseqatsigiiffiup imaluunniit inuiaqatigiit kalaallit?**

Kalaallit Nunaat piginnittussaataavoq aamma Kalaallit Nunaanni aatsitassanik oqartussaassusermik aamma atuinissamik pisinnaatitaaffeqarpoq. Aatsitassanut inatsit malillugu pisinnaatitaaffimmik pigisaqartoq aatsitassat atorneqarnerannit isertitanik pisinnaatitaaffeqartitsisumik akuersissummik pissarsiaqarsinnaavoq.

7. **Nunatsinni innuttaasut pinnerasaasiornermik soqutigisallit qanoq Naalakkersuinikkut tapersorsorneqartigippat?**

Ujaqqanik pinneraatiniq suliaqarfiusoq, aamma innuttaasut ujaqqanik pinnerasaasianik suliaqartut annertuumik politikikkut tapersorsorneqarput. Aatsitassanik suliaqarfiup 1. januar 2010-mit tiguneqarneratigut aatsitassanut inatsimmi, kingusinnerusukkullu immikkoortuni arlalinni aatsitassanut inatsisip allangortinneratigut ilaatigut ujaqqanik pinnerasaasianik katersuinissamut najugaqarfinni innuttaasunut pisinnaatitaaffiit isumannaarneqarput.

Tamakku saniatigut Kalaallit Nunaanni annikitsumik annertussusilimmik neriu-nartuutit pillugit pitsaaneruseqarsumik ilisimasanik isumannaareqataasussanik iliuuseqarfigisassat arlallit sulissutigineqarput, minnerunngitsumik annikitsumik annertussusilimmik aatsitassaatinut, taakkuninngalu najugaqarfinni piiaanissamut periarfissaasunut tunngatillugit.

Inussiarnersumik inuulluaqqusillunga



Jens-Erik Kirkegaard